



**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad
Officium Judicis nobile, continentur ; Opus Episcopis, Vicariis Generalibus,
Aliisque Iurisdictionem quasi Episcopalem exercentibus: necnon
Confessariis, Parochis, Cancellariis, cæterisque in dicto Foro versantibus,
apprimè utile ...

Monacellus, Franciscus

Venetiis, 1706

Dispensationis illegitimi ad Ordines Formula V.

[urn:nbn:de:hbz:466:1-62406](https://nbn-resolving.org/urn:nbn:de:hbz:466:1-62406)

quo finito celebratur Missa, & post Missam fit processio, & Episcopus Pontificaliter indutus unâ cum Clero, & populo incedit ad locum, à quo vult devenire ad benedictionem agrorum, & frugum, quò perventus intonat Psalm.

Dominus regit me &c. quo à Clero absoluto dicit:

- V. Adjutorium nostrum in nomine Domini.
- R. Qui fecit Cœlum, & Terram.
- V. Ostende nobis Domine misericordiam tuam.
- R. Et renovabis faciem terræ.
- V. Domine exaudi orationem meam.
- R. Et clamor meus ad te veniat.
- V. Dominus vobiscum.
- R. Et cum spiritu tuo.

O R E M U S.

Te Domine rogamus, ut hæc segetum, frugum, olivarum, leguminum, & herbarum semina, ex quibus fructus de terra suscipere speramus, ut non grandido illa succidat, non turbo tempestatis detruncet, non aquarum abundantia, nec imber abducat, non aeris immutatio exterminet, sed tua sancta ✠ benedictione munita, fructifera, & superabundantia propter Animarum, & corporum humanorum utilitatem, & usum ad plenissimam maturitatem, & conservationem perducere digneris. Per Christum &c. Aspergit aqua benedicta, & deinde dicit.

O R E M U S.

Preces nostras quæsumus Omnipotens Deus clementer exaudi, ut qui justè pro peccatis nostris affligimur, & Vermium, Avium, Murium, Locustarum, Bruchuum, & aliorum Animalium persecutionem patimur, pro tui nominis gloria, ab ea misericorditer liberemur, ut procul à tua potentia expulsi, nulli noceant, & hos Campos, Agros, Vineas, Prædia, & Aquas in tranquillitate dimittant, quatenus ex eis surgentia, & orta semina tuæ Majestati deferviant, & nostræ necessitati subveniant. Per Christum &c.

Dispensationis illegitimi ad Ordines, & Beneficium.

FORMULA V.

S Y M M A R I U M.

- 1 Episcopus dispensat cum illegitimis ad ordines minores suffragantibus illorum meritis.
- 2 Omnes illegitimi ex quocumque damnato coitu nati ab Episcopo ad minores dispensantur.
- 3 Legitimitas Principis secularis non Monacelli Form. Pars I.

suffragatur ad ordines.

- 4 Etiam si essent vocati ad Beneficia juris patronatus, & essent ad illa præsentati.
- 5 Constitutio, quæ excludit illegitimos ab Ecclesia, est favorabilis, & amplianda.
- 6 Episcopus dispensat illegitimum ad unum beneficium simplex.
- 7 Non dispensat ad beneficium, quod Pater obtinebat.
- 8 Dispensat ad Canonicatum Collegiatæ.
- 9 An dispenset in Canonicatu Cathedralis? referuntur DD. sententiæ.

Z 3 N. Epi.

N. Episcopus N.

UNiversis, & singulis per Praesentes testamur, quod die Sabbati quatuor temporum N. die ... mensis ... in nostra Cathedrali Ecclesia Sacras Ordinationes celebrantes dilectum Nobis N. Scholarem hujus nostrae Diocesis *bonae vitae, fame, & estimationis* ad hoc idoneum reperiunt, vigore facultatis Nobis per Sac. Canones attributae Clericali caractere *prævia dispensatione* insignivimus, primamque Tonsuram illi contulimus, ac cum eodem super defectu natalium, quem ex presbytero, & soluta genitus patitur, ut etiam ad minores Ordines promoveri, ac etiam *unum perpetuum simplex Beneficium Ecclesiasticum, cui Cura non imminet* animarum, aut Ordinem aliquem factum annexum non habet, si sibi canonicè conferatur recipere, & retinere liberè, & licitè valeat, hujusmodi defectu natalium non obstante, eadem auctoritate dispensavimus, & per praesentes dispensamus. In cujus rei testimonium has à Nobis subscriptas expediri jussimus. Datum &c.

N. Episcopus N.

Loco ✠ Sigilli.

N. Cancellarius Episcopalis.

ADNOTATIONES.

1. **BONAE VITAE, FAMAE, ET ÆSTIMATIONIS.** Dispensatio ad Ordines minores per Episcopum conceditur illegitimis, suffragantibus meritis, & præmissa illorum verificatione, & causæ cognitione, aliàs non teneret, ut monet Garz. *de benef. part. 7. c. 2. n. 48. & 49. Corrad. prax. benef. lib. 2. cap. 12. num. 95. & seqq.* à quo formulam hanc, paucis mutatis, mutuo accepi. Hæc tamen laudabilis vitæ informatio, non est capienda in forma judicii, sed sufficit extrajudicialis, ut dicit Tondut. *qu. benef. tom. 1. cap. 7. n. 3.*

2. **PER SACR. CANONES ATTRIBUTAE.** Facultas dispensandi illegitimos ad Ordines minores conceditur Episcopo *in cap. 1. de filiis Presbyter. in 6.* nullasque illegitimus excluditur, sed omnes ex quocumque damnato coitu nati sint promoveri possunt, necnon Beneficia Curam animarum non habentia, aut Ordinem sacrum annexum, cum eadem dispensatione licitè retinent, Passerin. *de elect. c. 25. qu. 19. n. 203.*

3. **PRÆVIA DISPENSATIONE.** Illegitimi ad effectum, ut ad Ordines minores possint promoveri, indigent dispensatione præcedente Episcopi, etiamsi fuissent per Principem sæcularem legitimi, quia ista legitimatio non suffragatur quoad spiritualia, *c. lege dist. 10. cap. per venerabilem de re judic. Platec. prax. Episc. part. 1. cap. 1. art. 4. n. 11.*

4. Amplia procedere etiam in casu, quod illegitimi essent vocati ad Beneficium Jurispatronatus, & præsentati: quia cum sint irregulares, nisi prius dispensentur præsentari prohibentur, *Concil. Trid. sess. 24. cap. 1. de reform. Barbof. de offic. & pot. Episc. alleg. 72. n. 83. Fagnan. in c. ut filii n. 3. de fil. Presbyter. Vivian. de jurep. p. 2. lib. 6. c. 4. n. 6. Sac. Congr. Episc. in Licen. 29. Julii 1695.* Secus tamen si per subsequens Matrimonium essent legitimi, *c. tanta, qui filii sint legitimi.*

5. Et hic nota, quod dispositio, seu Constitutio illegitimos excludens ab Ecclesia, dicitur favorabilis, & amplianda in odium incontinentiæ, & ne peculium Christi indignis concedatur, & ad evitandum populi scandalum, ut advertit Fa-

Fagnan. in cap. ad extirpandas num. 44. & 47. de fil. Presbyt.

6 UNUM PERPETUUM SIMPLEX BENEFICIUM. Ad unum tantum, & non plura Beneficia simplicia illegitimum Episcopus dispensat, quamvis Beneficium collatum, sive conferendum, sit tenue, & non sufficiat ad sustentationem, Garz. de benef. d. par. 7. c. 2. n. 50. Passerin. de elect. d. cap. 25. qu. 19. n. 194.

7. Neque dispensat, ut Beneficium simplex, vel non Curatum illegitimus consequatur, quod illius Pater obtinebat, quia in hoc solus Papa, & quidem expressè dispensat, Passerin. sup. d. cap. 1. de fil. Presbyt. in 6. num. 9.

8. CUI CURA NON IMMINET ANIMARUM. Ex hac clausula inferitur, quod possit Episcopus cum illegitimo dispensare pro obtinendo Canonicatu in Ecclesia Collegiata, cui Ordo Sacer non fit annexus, ut ait Corrad. prax. benef. lib. 8. cap. 12. num. 115. & seqq.

9. Immò, quod ad Canonicatus etiam Cathedralis aliis dispenseret, tenent Nav. conf. 4. n. 4. de fil. Presbyt. & alii plures, quos refert, & sequitur Passerin. de elect. d. cap. 25. qu. 19. n. 197.

10. Verùm hæc Passerini Sententia in praxi rejicitur (quidquid sit de juris rigore) ut testantur duo practici Beneficialistæ Curie Romanæ, nempe Lotter. de re benef. lib. 2. qu. 48. à n. 153. ad 173. & Corrad. prax. benef. lib. 2. cap. 12. n. 152. & seq. & hoc (ut ipsi ajunt) propter præminentiam, & majoritatem, quam ha-

bent Canonici Cathedralis super alios Clericos Civitatis, & Diœcesis, & quia cum Episcopo unum corpus constituunt: ac etiam ex eo quia ex dispositione Conc. Trid. sess. 24. cap. 12. de reform. Canonici Cathedralium habent annexum Ordinem Sacrum, in quo Episcopus cum illegitimo non dispensat.

11. Nihilominus Sententia Navarri, Passerini, & sequacium sustineri, & sequi posse crederem in illegitimo à Papa jam dispensato ad Ordines Sacros, secus in promovendo, juxta distinctionem Majori de irregul. lib. 1. c. 8. n. 11. quam sequitur Garz. de benef. par. 7. c. 2. n. 68. & vidisse dissimulant Lotter. & Corrad. & ex aliis rationibus, quas expendit Passerin. qui scripsit post Lotter. & Corrad.

Deputationis Concionatoris.

FORMULA VI.

SUMMARIUM.

- 1 Predicatores omnes vice Episcopi annunciant verbum Dei.
- 2 Debent esse bonæ vitæ.
- 3 Episcopus non eligens idoneos Concionatores peccat mortaliter.
- 4 Predicatores, qui verbum Dei adulterant, sunt ab Episcopo removendi & puniendi.
- 5 Episcopus non debet esse facilis in rejiciendis nominationibus, quæ sunt à laicis, Prædicatorum, & n. 6. & 7.

N. Episcopus N.

Dilecto Nobis in Christo N. In eo, qui est vera salus, benedictionem. Cum pro munere nostri Pastoralis officii viros idoneos potentes opere, & sermone ad verbum Dei prædicandum mittere teneamur; qui plebes Nobis commissas vice nostra instruant in lege Domini: de tuo Animarum zelo, pietate, vita, moribus, & scientia, quibus à tuis Superioribus apud Nos pleno commendaris testimonio plurimum in Domino confisi, ut proxima futura Resurrectionis Quadragesima, sequentis anni in Ecclesia N. loci N. verbum Dei prædicare possis, & valeas facultatem concedimus, & impertimur. Te in eo qui veritas est, & vita, admonentes, ut in tuis Concionibus (quas secundum Catholicæ Romanæ Ecclesiæ, & SS. PP. doctrinam semper habebis)

Z 4 in sim-